

故事彙要信

共五



攷事撮要卷五

雜用俗方

痘瘡經驗方

謹避風寒切禁生冷終始宜守此戒○禁忌食物生
梨红柿西薤臘雪水棗碎冰乾柿沉水柑子橘柚
一切酸醎寒冷等物香臭惡臭凡燒煎油炒烟臭
不可近滅燈燭之臭亦禁之又忌房中淫慾家內
燒頭髮毛羽梳頭去糞穢通溝渠惡臭巫覡等勿
入門庭外人僧尼切勿出入要令內外安靜○人
家父母溺於慈愛任其所欲長厥嬌氣乃患此疾
飲食起居皆失調攝之宜又不能脅令服藥終至

不救者多有之惜哉○神之有無雖不可知蓋想
心本虛靈今乃挾火故見其所不見聞其所不聞
女巫藉以爲言國俗之信巫實由於此苟若有神
無論輕重皆可明言外間事而重者或不知輕者
或有知何也世有不設神床而好經痘者各設床
卓以至衣服錦繡寶貨無不畢陳而終至不救者
有之此亦痘家之不可不知者也又有甚焉者一
聽巫說冬月浴冷水日夜祈禱而不得神助終失
其兒小則爲終身之疾大則因疾喪身惑之甚也
○凡痘熱盛故自不思魚肉而女巫以爲僭尼之
神舉家素食至於老病父母皆廢滋味而甚者病

兒雖索魚肉輒問於女巫則必曰痘神故欲戲之
與喫則必危矣舉家惶悚不敢與小許魚肉使氣
血益虛而變證雜出以至救難習俗之誤人也如
是夫余觀一人有獨子患痘初不至危險而其家
適有餽生肉者不敢自喫禱薦于神床之下曰又
溫房易致腐傷臭惡不可近余謂主人曰君家信
巫俗忌雖不得不從而舉家行素尚或可也但乳
母素食則病兒必傷矣主人微笑曰非不知君言
之爲是而家婦人輩論議太峻何哉請姑徐請姑
徐果於落癰之後血氣逾益虛耗似睡非睡不省
吮乳數日自盡惜哉此特一人而言痘家深戒也

初熱三日初覺有痛勿論感冒傷寒痘疾紅疫急用
升麻葛根湯葛根二錢白芍藥升麻甘草各一錢
加入荆芥穗鼠粘子炒研山查肉各七分○小兒
不肯服藥用金銀花或忍冬茶以發汁爲度而終
不如湯藥之爲愈也○此時或發驚搐窒塞目竄
切不把持任其搐搦使血氣流通可也○藥則用
牛黃抱龍丸而或以甘草薄荷等分煎水調下瀉
清丸亦妙○此時或吐或瀉或吐瀉並作自此至
出痘終日證雖苦劇皆不妨○此時若腰痛將必
黑陷急急用神解湯柴胡一錢半乾葛防風各一
錢麻黃升麻白茯苓各八分甘草五分煎服後溫

覆出汗而不汗再服以痛止爲度若退方無藥只宜多汗而能食者免黑陷且幸而免焉然年壯者多腰痛痛止多汗能食則可無慮焉○此時或發渴切勿與冷水或金銀花茶或粘米煎水或三豆飲又紅花子煎水亦炒

出痘三日始痛一日即發者極重二日發者亦重三日發者例也或有似痛不痛時或遊戲而四五日六七日乃出者是勿藥之類也○此時吐瀉皆不足憂也○初見紅點急用化毒湯紫草茸甘草升麻各一錢加山查肉七分蟬殼去頭足翅五分白芍藥一錢粘米百粒同煎服限三日連用五六貼

日再服則非但能令稀痘且無痘後諸證真所謂
痘疫初程之聖藥也○此時又急用乾臙脂調於
白蜜塗兩眼眶口唇鼻孔耳中以防痘出而必須
頻頻塗之要令留著方可得效俗用砂鉢臙脂和
朱砂塗之亦有少效○此時痘出太多毒盛急用
連翹升麻湯卽升麻葛根湯加入連翹一錢是也
○此時急用鼠粘子作末井水調付病兒顙門以
防眼患○此時或發驚搐室塞此則逆證也急用
加減紅錦散數貼以救之麻黃去節全蝎去毒荆
芥穗紫草茸蟬殼各五分葱白一莖同煎服之○
此時腹痛者痘自腸胃出故也用蟬退湯蟬殼一

箇甘草一錢半煎服或爲末白湯調下卽效○此時或大渴求飲不已紅花子一合水煎服之或用萊豆赤豆黑豆各一合烏梅三箇水煎服之渴自止月經亦宜用自此粘米煎水濃洗連續用之○取月經法粘米一合妙黃水四升煎至半候冷濃洗月經渴時熱時飲之連續用之可也蓋粘米治痘毒養胃氣止泄瀉故雖用十盆之多終無泄瀉之憂勿疑多用○此時可以觀形色辨虛實用藥而退方則藥物未易劑用故姑不論之○此或有四肢百節皆痛者或由痘未快出或由未盡和解而然勿藥自愈也

出痘終日此時或有痒證以木麥末塗於痒處以手
摩之卽止又用敗草散多年蓋屋草勿論郊草穀
草日月受霜露風雨而極其腐爛者取以爲末如
上則卽止○痘或爪破或潰爛流血流汁處皆可
塗之因以作痂差愈蓋此敗草感天地陰陽之氣
故善解瘡毒亦易收斂矣○止痒又莫如水楊湯
之奇功取溪邊大葉赤枝之楊挫之仍汲大旱不
斷之長流水極煎六七沸然後乘其水氣溫熱之
時以細巾頻頻淋洗而或添湯又洗之方有效矣
故必以兩器通易溫之火上日夜數十次多多益
好耳此乃能引出毒氣故頂陷者皆起如或黑陷

處則綿絮量其大小廣狹而裁之漬以此水乘熱
通付則焦黑者皆濕爛毒不入裏且速成就如其
例醫之類尤見其奇效勿論輕重皆可用之春夏
用葉秋冬用枝陷者皆起痒者自止外治之藥無
過於此但冬月浴之恐觸風寒只洗面上可也○
自此以後至落痂連續洗之可也○此時必有咽
痛連用豬尾膏如其毒盛用加味犀角消毒飲四
貼日再服○出痘終日自初出第三日
起脹三日證順者已自昨始有脹意先出者先起以
次漸起凡痘之虛實毒之淺深全在此關若痘密
勢重急用神功散數貼以救之若證驗用神功散

數貼後連用內托散方見回春若淡白灰黑陷伏
更加丁香五粒用之○此時困頓委憊啼號不安
者例證也○此時若煩渴用紅花子湯或烏梅湯
方見上出痘條若咽痛不可忍口舌生瘡不能吮
乳用加味犀角消毒飲鼠粘子炒研二錢防風升
麻各七分荆芥穗麥門冬各五分犀角屑五
分臨服時調下或同煎服之若加芩連並酒炒連
翹各七分極妙若不起脹虛者用保元湯人參二
錢黃耆甘草各一錢加當歸白茯苓白芍藥微炒
各一錢肉桂五分薑一片粘米百粒○此時若泄
瀉則大危急急用保元湯加白芍藥酒炒白茯苓

白朮乾薑炒黑肉桂各七分犀角屑五分○此時水楊湯頻頻淋洗面部可也○此時痘色全白者由氣虛也用保元湯數貼以紅活爲度加當歸白伏令白芍藥酒炒各一錢官桂七分薑一片粘米百粒○此時色紅紫者又用保元湯加木香當歸川芎各七分○此時色太紅而近紫者由血熱也用四物湯生乾地黃白芍藥酒炒當歸川芎各一錢加黃芩酒炒紫草茸紅花各七分○此時發痒考諸出痘終日條用藥○此時若痛甚不可忍則白芍細末每一錢淡酒調下以黃土細末糝於痛處○自出痘第四日也

貫膿三日自出痘至六七日乃貫膿之初而凡痘順者必先期一日而成就故第五六日則痘色白已
有向膿之漸蓋當是時脾胃主之士色發於外而黃也○浮氣稍減亦能開眼喉痛亦少愈○此時或吐瀉大危急用定中湯方見寶鑑○此時宜以銀鍼刺之橫貫痘顙則汁自流出極妙無銀鍼則代以竹鍼亦好○此時必發痒類以水楊湯點之可也或有痒甚不可忍一一爪破後必有斑痕以細巾就其處按之甚緊則其或有自破汁出者是亦不妨矣○此時熱候必盛連用月經間以猪尾膏用之爲可也○此時熱極者連用月經等藥必

以胸中爽然爲度不然則熱入內終至不救慎之
收靨三日自出痘至第九日十日而稍稍焦黑成痂
時也○此時必有大熱或引飲異常隨其輕重遲
速而火熱內熾則一也必須預備粘米月經猪尾
膏等藥隨量洞飲惟以胸中爽然爲度可也若不
降此熱則輾轉生別證不可不慎也或有證勢輕
者不必生熱雖然發熱者十常八九其不發幸也
此時必有四肢之痛蓋面部既已收靨故手足方
欲肥脹成膿而浮氣益加之致元非別證也其勢
則然而人家多不知此以爲之憂此則不必憂也
但於此時或有白睛之上紅絲散漫中有凸出之

狀者痘出而然也仍爲翳膜犯於黑睛而以成白
點氣血旣復之後雖有勿藥之喜而豈可信其自
愈而不急治乎惡實作細末和井花水作餅貼付
顛門上日再易極妙○此時有泄瀉者或赤白痢
者皆寫熱而發也果若寫熱而發則數日後自至
虛歇不必用別藥也如其氣血俱虛熱乘其隙而
發者日將加重終至難治急用保元湯加白芍微
炒白朮白朮土炒各一錢肉苁蓉肉桂黃連酒
炒乾薑炒黑各七分連用數貼○此時四肢所出
之痘方始肥脹充滿鍼刺出汁可也刺破之法見
上貫膿條○此時或有腹痛者用蟬退湯方見上

而此若不效用木香理中湯木香人參白朮乾薑
炮甘草炙各五分加鼠粘子炒研黃連酒炒各五
分○此時或有胃脅之痛在中脘近處者餘毒歸
心而然也急用乳香散乳香二錢水一盞煎服○
只有脅痛者由瘀血而作薤白取汁用之可也此
時或觸風寒而胃腹急痛者似霍亂若以霍亂
治之則非徒無益必至大危急用消風散荆芥穗
甘草各一錢人參白朮白薑薑川芎防風藿香
蟬退去頭足翅羌活各五分陳皮厚朴薑製各三
分加柴胡七八分青皮五分入細茶一撮煎服或作
末溫酒調下三四貼即效○此時或有手足戰掉

氣虛然也宜用保元湯加當歸白芍酒炒白伏苓各一錢肉桂七分此時或有頤戰者治法如上若或氣促則難治此時或瘡處濕爛不斂治法如上而又加白朮土炒一錢以差爲度（此時或有陰囊浮大而年長者大如瓠瓜小兒則大如鵝卵蓋緣痘毒與濕熱下注而然也宜急用消毒飲鼠粘子炒研二錢荆芥穗一錢防風甘草各五分加黃芩酒炒生地黃酒洗知母草龍胆各五分數貼甚效然余見此證多矣皆勿藥自愈人家不知莫不驚懼蓋惟疾之憂無所不至故也○此時或有吐瀉并作者宜用定中湯方見上虛嘔者亦效○此

時或有耽睡呼之不應勸其食乳而合眼搶頭亦不肯喫病弛氣困而然也氣困耽睡者宜用保元湯加白芍酒炒當歸身白茯苓鼠粘子炒研各一錢肉桂七分薑一片粘米百粒同煎服之○氣短而耽睡者亦用上方而難救者居多蓋初不能審其虛實隨證用藥而及至此境奄奄自盡慎之○此時謔語見鬼者熱也昏昏不省者亦熱也月經猪尾膏等劑連續用之可也若或有危惡似不能救者則治法同黑陷○此時或有諸證難名若氣短氣虛若嘔泄昏睡若不省昏昏垂盡敗證俱見者急用四聖回天湯人參黃耆當歸身各一錢石

雄黃水飛末二錢臨服時調下如或黑陷加白朮
二錢以差爲度極妙○此方卽全有馨之所製也
其自跋有曰十全十百全百此則自多之辭也未
必其然而人家痘疾不用醫治危症雜出然後始
問於余欲用他藥則別無的指之證而形勢則極
危試用此劑頗有回生之者多蓋人參黃耆補氣
當歸身補血石雄黃寧脾胃治瘡毒故也○此時
或眼有赤白翳膜者可以急治而氣血未復之前
輕用瀉藥非徒無益於眼患或有關於死生必須
完復之後方可醫治而又或自愈者有之○反眼
之證必出於收靨之時而其爲形也上瞤之毛必

例豎或直豎向前所見異常或上睫之內有紅肉
垂下有此證者 恍不省或狂言見鬼蓋此形古
方之所不論故旁人但見其危篤而不知所以救
之之方余雖素昧醫術經驗痘瘡不 數千人遇
此證不能救者凡五人不勝其 然訪問於業醫
曰眼胞屬脾胃而有此形者想必餘熱入脾胃故
也請教以只除 胃熱之劑則皆曰不可知也莫
有議定者故余亦自以爲若遇此證決不可救矣
適有一冠者患痘自初極其危險渾家無望回生
人隣里聞之者皆謂必死余又決意難救而隨
用 產得生道矣收靨之時此證忽發余意立

視其死不若試用方藥以萬一之幸遂按古書
自作方文名之連石膏湯急劑用之二貼而
反目即差終至生全自得此用輒神效而但
勢重者三四必愈十無一失痘家亦可深察矣
○連石膏湯連石研甘草煎水飛各一錢
半葛根生地黃大黃山梔各七分升麻赤伏苓
芍各五分甘草三分加黃芩黃連俱酒炒各七分
此後諸或泄瀉嘔吐或眼患皆已略論於上各
以其藥治之可也

辟瘟雜方

瘟疫表症宜汗初得二三日頭痛疹或寒或熱此

邪氣在表宜汗之○升麻葛根湯治傷寒及時疫
增寒壯熱用之升麻白芍甘草各一錢乾葛二錢
劑一貼水一升煎至七分不拘時稍溫服之日用
二三服以病去身涼爲度○桃葉治此時汗不出
多取濃煎置床下坐其上衣被蓋之須臾當汗便
差又取桃枝挫煎湯洗浴亦可○連根葱白治此
時頭痛社熱取二莖粳米半升煮成粥加入好醋
五合再煎一沸溫服取汗卽愈又只以濃煎葱白
湯亦效○芥子治疫氣初覺頭痛取以爲末填臍
中以熱物隔衣一層熨之卽汗愈○浮萍此病初
得發汗最妙每取五錢爛煮溫服紫背者良○忍

冬主傷寒此病汗不出忌鐵器挫炒黃不拘多少
溫茶隨用忍冬花亦佳○乾葛治此病新感頭痛
汗不出每取一兩煎用之○大黃治此病初得頭
痛發熱大便不通每取一兩煎服之以利爲度如
虛弱者用五錢○此病半表半裏宜和解得病四
五日頭身痛壯熱煩渴舌黃尿赤或衄血者宜以
和解而往來寒熱或發潮熱小柴胡湯主之柴胡
三錢黃芩二錢人參半夏各一錢甘草五分作一
貼入薑三片棗二枚水煎服之○此病裏證宜下
而得之六七日目赤舌黑發狂妄譫大渴是熱毒
入裏極盛內實大便難身熱惡寒大柴胡湯主之

柴胡四錢黃芩赤芍藥各二錢半只實一錢半半
夏一錢作一貼入姜三片棗二枚水煎服○人糞
主天行瘟病大熱狂走者取乾者湯漬飲之或
乾者盛器中淨泔覆之澆井水取清飲之一名
野人乾又急時不得者則泥者入細黃土炒
用之亦佳○猪糞此病大熱大毒用之乾者漬
清用之極效○地龍汁此病熱盛取生者不拘多
鹽化爲水取飲之又以黑太帖米各三合黃
再以黃土水二升煎沸而以生者入浸多多益好
待清涼用之極效至於小兒尤妙○藍葉此病熱
狂取汁飲之水中細苔多採擣絞取汁飲之亦效

○竹瀝治時氣癘疫煩燥竹瀝半盞井水半杯和服之○生葛根凡熱病 汁用之甚效○水漬法主大熱發狂青布五六尺疊摺新水 搭病人心胃上頻更蒸炎而 復 之如是易數十次止○蛇莓治熱盛口中生瘡擣紋 自能汁不拘多少煎至半稍稍飲之蛇莓俗名蛇覆盆子蔓○生藕治煩湯取汁一盞蜜一合調飲○熱病及傷寒大便滑泄取滑石水飛末六錢甘草末一錢米飲或蜜水調服以差爲度一名益元散人朱 稱朱六一散○梔子治瘟疫傷寒房事熱不退挫三十收輕炒水煎服之極救○此病發黃而面目身體

小便皆黃者茵陳葉一兩水一升煎至七合不拘
時日服一貼以差爲度○瓜蒂炒爲末取一分分
吹兩鼻孔出黃水又二分水調服得吐黃水卽差
老弱之人不可輕用且黃疸亦用之其下蒂俗謂
曲之○大頭疽其證頭痛腫大如斗或潰裂膿出
又傳染於人故謂之天行瘟疫得此者十死八九
其是凶惡用藥吹鼻嚏者可治不嚏者不可治也
每日用嚏藥四五次以泄毒氣左右看病之人日
日用藥嚏之必不傳染過得十日不治自愈○嚏
法皂莢去皮作末取小許吹鼻孔半夏末亦佳無
此兩以紙撚探亦妙○鍼法頭面腫盛宜周迎

鍼刺以出惡血甚妙○飲食法菜豆粥陳米飲青
梁飲用之○法籒籒籒四字以朱砂大書

門戶左右邊又以元梵恢漠四字以朱砂書佩之

且吞服○又方密以艾灸病人所在牀與房四角

各一莊勿令病人知也○辟法蘇元每取九九

浸一瓶酒中時時飲之最辟鬼疫之氣且囊盛

三丸當心佩之亦妙○常以鳴時靜心存誦四

海神名三遍則辟百鬼及瘟疫甚奇效東海神阿

明西海神巨南海神祝融北海神禺強○又方

側栢東向葉取乾正細末或湯或酒調飲○又方

松葉細末一酒調服日三○又方東向桃枝挫

煎湯浴之○又方蒼朮及牛糞燒之○又方馬蹄
屑二兩盛絳囊佩之男左女右○千金木取作纓
子或作珠佩之○右雄黃人佩之鬼不敢近端午
日以艾爲人懸門上極奇○除夜爆竹庭中極奇
○七月七日男吞大豆七粒女吞小豆二七粒○
不傳染法凡入瘟病家先令開啓門戶以大鍋盛
水二斗置堂中取蘇合元二十丸煎之其香能散
疫氣病者各飲一器後醫者乃入診視不必相染
○又入疫家行動從容左位而入男子病穢出於
口女子病穢出於陰戶相對坐立之間必須向背
○凡瘟疫家自生惡氣聞之卽上泥丸散入百脉

轉相傳染若倉卒無藥以香油抹端又以紙擦探鼻孔嚏之泥丸即顛門○石雄黃末調香油濃塗鼻孔雖與病人同床亦不相染朝夕點之○凡入瘟家以右手中指書次字握固○禁忌凡熱病新差後切忌食飯及油膩煎煮等物食之熱必再發多致不救不可不慎宜以粥味調養胃氣漸至軟食庶無復發之患○差後百日内犯房事者必吐舌數寸而死○飲酒必再發蕁葵等菜羊猪等肉則皆不可食食必多死

傷寒雜方

四時傷寒之症寒溫不節將理失宜乍煖脫衣熱甚

飲冷坐卧當風居處暴露衝冒霜雪凌晨朝起呼
吸冷氣久晴暴煖忽變陰寒久雨積寒致生陰濕
如此之候皆爲邪瀉侵傷肌膚入于腠理使人身
體沉重肢節酸疼項背拘急頭目不清鼻塞聲重
淚出氣壅膏膈凝滯飲食不入凡此之證若不便
行解利伏留經絡轉變無已○尋常感冒有表證
宜羌活冲和湯防風冲和湯芎芷香蘇散○寒毒
入裏吐利者藿香正氣散挾食停痰人參養胃湯
○時令感冒宜升麻葛根湯○大抵感冒古人不
敢輕發汗者正由麻黃能開腠理用或不得其宜
則導泄真氣因而致虛變生他證此藥乃平和之

劑止能溫中解表而已不致妄優也

人參養胃湯也

○雜

病與傷寒相類者極多凡有感冒輕證不可便認爲傷寒而妄治之其或可者蓋亦因其不敢放肆多用和解平和之藥散之爾○凡感冒風寒通謂之四時傷寒宜沖和散正氣散參蘇飲○中寒證仲景論傷寒矣未及乎中寒先哲治胃大寒而昏中者用附子理中湯其議藥則得之然曰傷曰中未有議其異同者夫傷寒有卽病有不卽病必大發熱病邪循經而入以漸而深中寒則倉卒感受其病卽發而暴一身受邪難分經絡無熱可發溫補自解此氣太虛也不急治則死矣○中寒者寒

邪直中三陰卒然昏不知人口噤四肢強直拘急
疼痛若不急治死在朝夕先用熱酒薑汁各半盞
交和灌服次用回陽救急湯○中寒雖燥熱煩渴
可煎附子理中湯浸水中冷服之不可溫服○冷
極唇青厥逆無脉陰囊縮者急用蔥熨法或吳茱
萸并艾灸臍中與海關元各三五十壯而脉不出
手足溫者死○中寒則口噤四肢強直卒然昏倒
○方文羗活冲和湯羗活防風各一錢半蒼朮川
弓白止黃芩生地黃各一錢二分細辛甘草各五
分一貼入薑三片棗二枚葱白二莖水煎服一名
九味羗活湯○防風冲和湯羗活防風各一錢半

白朮川弓白止生地黃黃芩各一錢細辛甘草各五分一貼入薑三葱三煎服○芫芷香蘇散香附子紫蘇葉各二錢蒼朮一錢半陳皮川弓白止各一錢甘草五分一貼入薑三葱二水煎服○藿香正氣散藿香一錢半紫蘇一錢白止大腹皮白茯苓厚朴白朮陳皮半夏製吉梗甘草炙各五分一貼入薑三葱二水煎服○人參養胃湯蒼朮一錢半陳皮厚朴半夏製各一錢二分白茯苓藿香各一錢人參草果甘草炙各五分一貼入姜三棗二烏梅一箇水煎服○冲和散蒼朮四錢荆芥二錢甘草一錢一貼水煎服○參蘇飲人參紫蘇葉前

胡半夏乾葛赤伏苓各一錢陳皮吉更只角甘草
各七分半一貼入薑三棗二水煎服○中寒宜回
陽湯益智仁青皮各二錢川烏生附子生各一錢
乾薑炮五分一貼入薑七片石二枚水煎服○附
子理中湯附子炮人參白朮乾薑炮甘草灸各一
錢一貼水煎服一方加吳茱萸肉桂當歸陳皮厚
朴各等分煎服○孕婦傷寒頭痛寒熱咳嗽宜芩
蘇散黃芩前胡麥門冬各一錢川芎陳皮白芍白
朮各八分紫蘇葉六分乾葛五分甘草三分入姜
葱煎服○孕婦傷寒發熱產後熱入血室等證宜
黃龍湯小柴胡湯去半夏也○傷寒熱病宜護胎

并底泥及青黛伏龍肝井水調塗臍腰上乾則再
濕塗庶免傷胎○單方昏迷不省人事皂莢末以
紙撚燒烟入鼻有嚏可治不則不治肺氣上絕也
可治者隨用皂莢半夏白礬共一錢半爲末薑汁
調服探吐痰去卽甦○梔子傷寒熱病勞復取十
箇碎水煎服微汗○紫蘇葉葛根惡冬等藥始終
溫服極妙○飲食則菜豆粥重者陳米飲甚效

傷暑雜方

暑者相火行令也夏月人感之自口齒而入傷心包
絡之經其爲證煩則喘喝靜則多言熱身而煩心
大渴引飲頭疼自汗倦怠少氣或下血發黃生瘰

甚者火熱制金不能平木搖擲不省人事矣○傷暑之證面垢自汗身熱背寒煩悶大渴倦怠少氣毛聳惡寒或頭痛或霍亂四肢厥冷但身體無痛○中暑之證六脉沉伏芤汗自出悶絕而昏不知人矣○夏暑宜補氣人與天地同一橐籥子月一陽生寅月三陽生巳月六陽生陽盡於上此氣之浮也人之腹屬地氣於此時浮於肌表散於皮毛腹中之陽虛矣世言夏月伏陰在內此陰字有虛之義若作陰冷看其誤甚矣火令之時流金燄石何陰冷之有孫真人製生脉散令人夏月服之非虛而何○宜生脉散清氣飲參薷飲黃耆湯清暑

益氣湯十味香薷飲○方文生脉散麥門冬二錢
人參五味子各一錢水煎夏月代熟水飲之或加
黃耆甘草各一錢或加黃柏二分用之則令人氣
力涌出○清氣飲白朮一錢二分人參黃耆麥門
冬白芍陳皮白茯苓各一錢加知母香薷各七分
黃連炒甘草各五分黃柏三分一貼入薑三片水
煎服一名清暑益氣湯○參薷飲白朮一錢半人
參一錢二分麥門冬白芍白朮各一錢知母炒
陳皮香薷各七分甘草五分黃連炒三分五味子
十粒入薑三片水煎服一名却暑清健湯○黃耆
湯人參白朮白朮伏苓甘草黃耆白芍各一錢入薑

三片水煎服○黃耆人參湯卽補中益氣湯加蒼
朮一錢神曲五分黃柏二分五味子十五粒○十
味香薷飲香薷一錢半厚朴白扁豆人參陳皮白
朮白茯苓黃耆木瓜甘草各七分水煎服或作末
每二錢或熱水或冷水調下○中暑救急夏月在
道中中熱暈死者急扶在陰涼處取道中熱塵土
積死人心又積臍上作窩令人尿其中卽活○中
暑悶倒急扶在陰涼處切不可與冷水以布巾衣
物浸熱湯熨臍中及氣海續以熱湯淋布上令煖
徹腹中卽漸醒如倉卒無湯乃取道上熱土積於
臍上冷則易之○凡中暑初覺急嚼生薑一大塊

飲水送下如已迷悶嚼大蒜一大片飲水送下不能嗽水研灌之或灌人尿或車輪土五錢井水調待清飲之○中暑發昏以新汲水滴兩乳以扇子扇之重者以地漿灌之即醒若與冷水飲即死○中暑昏悶痰壅不省自焚燒甘草炒爲末每二錢溫水調下朱砂益元散井水調下亦效○單方大蓼即紅草俗謂蓼花煎取濃汁飲之或以搗爛取生汁尤效○香薷主一切暑病及霍亂吐瀉取煮取汁飲之生汁亦佳○陳清醬三合許空心服之

治霍亂

凡霍亂無論初發已發未吐已吐揆俗名藁鞋草根

摘其根中狀如垂珠者去土淨洗噉下則神效其
多少隨證輕重用之○關衝穴鍼刺出血卽差穴
在無名指外邊去爪甲僅容菲葉連肌處男左女
右又以甘草五錢煎服神效

治痢疾

無論四時赤白利取十分真熊膽調水或酒服神效

治瘡疾

月蝕時以薄紙向月用朱砂書龍字不限其數蟲置
當痛日早朝割取一龍字作團東向立吞勿令人
知之○麝香少許調露酒或清酒頓服並有奇效
治胸腹痛

取無殼蝸懸乾當痛時作末酒調服六七箇雖年久
所患立効或末乾者燒存性○真甘作末蜜丸梧
子大不拘多少或酒或米飲吞下奇妙○又方川
椒二錢胡椒五十箇荊芥穗二錢水煎服止痛

治土疾及痰喘

川椒 水經宿每朝一二錢並浸水吞下居常代水
飲之最妙○俗各自作木皮肥厚者去外皮待乾
每貼一兩則水一升二兩則水一升五合煎至半
不拘時常服奇妙

治雜毒

中菌毒卽飲真油多少隨用證之輕重○瓢子裏燒

火成灰將取和水飲之甚妙○肉毒黃栢末服方寸
未解再服紫蘇葉湯水五合和雞子黃飲之
卽差重者則用野人乾雖昏絕之人卽甦奇效○
蜂蠆蚊蚋毒以土蓮汁塗之奇妙

治雜咬

犬咬乾薑末納其孔立差又虎脰骨或胸骨作末每
二錢熱酒或白湯任下○馬咬及踏傷處艾灸而
人糞或馬糞燒火爲末付之卽神效○虎咬先飲
清油三四合次用油洗傷處白礬作末付納傷處
痛止立效○蛇咬牛骨細碎加於炭火上使其烟
多射其處又大豆葉汁飲且付之又雞冠草汁六

七合飲之且擣裏○毒未入臟腑急飲好醋三合
或清油令毒氣不隨血走○咬傷相對處鍼之出
血神效○郁李葉絞汁多飲擣付厥處神效郁李
山櫻桃

治雜物入耳目口喉及芒刺在肉

有物入眼好墨淨水研以銅筋點滴卽出○蟲入耳
雞冠血滴入耳中卽出○ 蚣入耳以猪脂肉灸
令香掩耳自出○蟻子入耳以猪羊脂炙香令安
之卽自出○木竹刺在肉生牛膝莖擣爛塗之卽
出頭垢亦奇炒○燒鹿角末和水塗之立出又者
不過一夕卽出○凡魚鯁在喉終不能下者取狗

涎二三匙吞著卽下而或一吞不下以差爲度取
涎時縛狗倒懸則多出○取烏奴羽燒作末水小
許調下卽差烏奴俗名加麻烏之○或云破魚鱗
燒作末調水飲下○芒刺在喉又稻麥芒在喉取
鵝涎數三吞著則或自下或自消一用不差更
用取涎時倒懸鵝縊其項則多出

治刀劍傷及火傷

刀傷卽以血竭末付而裹之痛卽止愈後無痕○無
血竭則滑石末紫檀香末調付止血卽差二末中
乏一則單付亦可○凡被火傷卽將好醋塗其處
仍貼以紙連塗令不乾則雖至焦爛止痛如神愈

後略無傷痕若無醋則滓亦可○燒毛毳片作末和真油付之亦可○

除蚤虱法

焚百部根薰之便絕○又以石雄黃龜板牛角屑各等分爲末如香焚之○又以菖蒲葱浮萍各一斤爲末海用撒於薦上次日皆自死○又以乾菖蒲細切置席下又以麝香少許著在薦上皆可去之

丸藥服法

牛黃清心元治不語恍惛煩鬱痰熱傷寒發熱心氣不足神志不定一切熱病等證又治卒中風不省人事痰喘壅塞精神昏憤言語蹇澀口眼喎斜手

好合苗陳元治天行病 黃疸及瘴瘧發黃三五丸

溫水調下

九味清與清心元大同小異治熱之功尤捷

至寶丹治中風不語諸毒山嵐瘴氣蟲肉水毒產後
血暈悶亂難產又治小兒諸癇急驚卒中客忤不
得眠煩燥風 每用二三丸至五丸人參湯下或
小便和薑汁用之又以卒中急風不語不省人事
及風中臟精神昏冒

至聖保命丹治小兒胎驚內吊腹肚堅脹目睛上視
角弓反張一切急慢驚風痰涎等證又治 慢驚
風及胎驚天吊初生小兒乳汁調下周歲兒十歲

兒薄荷湯調下

催生丹治產婦生理不順產育艱難或橫或逆每用

一丸溫水下

水煑木香膏治脾胃受濕臟腑滑泄腹痛無度腸鳴

水聲不思飲食每欲下利裏急後重或下赤白便

膿又以一切諸痢每一水一盞棗一枚同煎四

五沸和滓服食前

九痛元

九種心痛及卒中惡腹脹痛口不能言又

連年積冷流在心胸並墜落傷損又以九種心

痛及積冷心胃痛三五丸溫酒下

瀉青丸

肝熱急驚搐搦每用平

或一竹葉湯

砂糖水化下

稀痘免紅丸初生小兒二三丸乳汁送下一歲兒五六七八丸三歲後十五丸久服則徧身發出紅斑是其驗也臘日或初八日製

錢氏安神元治邪熱驚啼心疳面黃頰赤壯熱又急驚風及心熱驚啼每用一丸乳汁化下

木香保命丹治諸風眩暈中風口噤手足偏枯頭目昏暗心神恍惚及諸般冷氣又治中風一切諸證每用一丸細嚼酒或溫水或沉酒服之

捉虎丹治四氣爲脚氣無問遠近一切注痛臨發時空心一趕到脚面上必赤腫痛不敢再一趕

到脚中心出黑汗刀除根及中風昏冒手足麻痺
不仁偏枯不得屈伸每用二 溫酒下

保安元治產前產後諸疾每用一 溫酒下

紫金丹治蟲毒桃生毒狐狸鼠莽惡菌河狔死牛馬

肉毒山嵐瘴氣與諸藥金石草木鳥獸百虫一切
諸毒自縊落水鬼迷驚死心頭溫者並令冷水磨
灌蛇犬傷酒調下每用半丁或一丁薄荷湯下

靈寶丹治推積滯除腹痛一切無名諸惡瘡腫用一

涼水下如欲三五行先吞涼水三五口

萬病元治七種癖塊八種痞疾五種癰瘤十種疰忤
七種飛尸十二虫毒五種黃疸十二種瘡疾十種

水痢八種大風十二種濕痺及積聚脹滿久遠心
腹痛痺蛔白諸蟲久積痰飲消瘦疲困或婦人子
莊瘀血凝滯因此斷產服此藥以三丸爲一劑不
過三劑其病悉除說無窮盡故稱爲萬病元用之
以吐利爲度

小兒清心元小兒諸熱及驚熱煩燥用一丸竹瀝下
抱龍丸治驚風潮搐身熱昏睡能下痰熱百日內兒
一丸三分用五歲兒一二丸溫水化下

玉樞丹 法與紫金丹同

臘享膏或云蠟香膏 諸凍瘡不差臨用以藥水先
洗後塗之亦可

神聖辟瘟丹辟瘟正元焚一炷四季保平安

備急元治心腹諸卒暴瀉病已死者折齒灌之中惡
客忤尤效每用三丸

解毒雄黃元治喉閉口噤水漿不下危急者每用七

茶清下若口噤醋和灌鼻

鬼哭丹治諸瘡每用三十隔夜臨睡令酒吞下次
日早再服

勝金丹治諸瘡久不愈服法上同

脾寒丹治諸瘡

安胎治懷孕四五月常墮不安一二白湯下

藥各種治證與服用之法雖詳載方書而考閱

米易且遠外窮鄉雖得刀圭未知下用之方人多
病之撮其古方要語而傳之

救荒方

凡饑困將死之人若頓食或食熱物則必死先以生
醬和水飲之次以涼粥與之俟其蘇醒漸與食○
飢而有浮氣者如右救療後元氣稍實而浮氣不
消則千金木皮不限多少以米稱汁作粥量饑者
之氣候而與之多少則隨宜○松葉作末法取二
三月葉不限多少摘其生者亂臼作末陰乾用之
如臼時自然成片者作末其易或取葉二斗太一
升炒乘熱合臼則米易味美若蒸搗再末則可減

苦味不如生者之有氣又爛擣盛帛浸於流水經宿三四日取出曬乾入麥炒合末則味甚甘○松葉三合米末一合榆皮汁一升和作粥可以朝夕度飢蓋松葉性澀榆皮性滑和之以穀末大能益胃分利二腑非特備凶歉欲善攝養者用此則勝於五穀膏粱亦可以治病延年○松葉安五臟能不其皮與花皆云辟穀其葉最能絕思食清心氣然必以榆皮汁和服者可無大便秘結之患也○取榆皮汴法揅皮取白曬乾作末以用而不如取汁之爲易不拘老嫩採取擣碎盛陶器或木槽浸水取汁而添水攪之汁出無窮此乃或有多產

之地或有不產之地如不產之地則不必用其汁以白水和用不妨但久服則大便必堅秘太末和服亦妙○榆皮末一升米末一合松葉末一合白湯和調作餅納沸湯中熱過放冷取食○取穀末法白米一升可出末二升五合皮麥去芒連皮炒作末可出末二升粟稷同大抵一升米末約二升五合可供二十五人一斗米末可供二百五十人若供一人則可資四朔三斗之米可備一年矣○以上三味旣非用力之過而或當荒歲不以爲此慮饑餓殍者多有之不知其方而然乎知其方而不爲而慮飢餓死者實不足惜也○作糝法木麥

花大豆葉與穀作末和穀末作糝蒸食極良如無
此等物只以穀末作糝食之亦能度饑不浮○雜
物食法吉梗淨洗烹熟入鉢浸水出苦味爛搗成
泥和穀末蒸食○木麥經打莖葉炒亂白爲末和
水食之一鉢足當飯一盂可度朝夕但秋刈者食
之與穀同秋後取者不可單食○葛根淨洗亂白
水飛去其絲成泥待粉沉漉去水和米飯粥食
之甚良如杆城葛粉和菜末爲麪能解渴○
出沙土中者最佳○蒼朮性溫和中氣利五臟
粥飲能引血歸肝○昔蔡西山讀書時常啖蒼朮
飢○取朮爲末或爲丸或爲散久久服之可以代

糲○有人避亂山中飢困欲死採木服之遂不飢
至數十年還鄉里顏色如故○羊蹄根採取冬月
置土中蓋藏勿令入寒氣則萌芽卽生取以煮羹
則柔滑味最佳亦足充腹置土中旋摘旋萌用之
無窮俗名率五之○蠟僊經嚼蠟方寸終日不饑
用黃蠟粘米炒並嚼食可辟穀不饑喫胡桃肉卽
消解○白麪一斤黃蠟爲油作煎餅飽食可百日
不飢○合松脂杏仁棗肉伏令等分爲末服五十
丸便不餓○古人荒歲多食蠟以度餓當合大棗
咀啖易爛○大米三合炒以黃蠟二兩入鏹內炒
米令乾任意食之數日不飢喫胡桃二介卽思食

○左元放救荒法擇取大黑豆二七粒生者熟按之令煖氣徹豆心先一日不食次早以冷水吞下魚肉菜果不復經口渴則飲冷水初雖小困十數日後體大壯健不復思食熟按之謂以手摩擊良久也○黑豆炒熟以棗肉同擣作糜食可以代食○大豆黃耒服之可絕穀度荒年○二月以後則山野雜菜皆可食之而然必和以穀末食之乃可以生無穀而食則亦不得生矣須自穀物稍存時預爲尊節和雜物食之無使麥前頓絕可也○粘米一升好酒二升漬之出曝乾又漬又曬酒盡乃正稍稍食之渴則飲水辟三十日一斗二升則辟

周年○粘米一斗百蒸百曬作末一日和冷水一
食得了三十日則可終身不食不飢○青梁米一
斗以苦酒一斗漬之三日百蒸百曬善爲裏歲遠
行時一食十日不饑○蔓菁子水煮三遍盡去苦
味陽乾作末水服二錢日三以漸加服可以辟穀
○辟穀絕食方黑豆五升洗蒸三遍曝乾去皮爲
末大麻子二升湯浸一宿漉出曬蒸三遍令口開
去皮用粘米粥合和成丸如拳再入甑蒸之自子
時住火至寅時取出盛磁器蓋之勿令風乾每服
一二塊以飽爲度不得喫一切物第一頓七日不
食第二頓七七日不食第三頓百日不食以後未

五三 卷之五
三二
饑不容貌佳勝更不 悴如渴則飲太麻汁以潤
臟腑若要喫物服葵菜湯以解之或葵子三合湯
沸冷飲六可○一方有白伏令五兩大麻子俗云
虎桂或以北道麻子代用未詳○不畏寒法天門
冬白伏令等分爲末酒服二錢日再則大寒汗出

酒方

內局香醞法造麴以麥磨之並其末而每一圓入一
斗碎萊豆一合調和造作○白米十斗粘米一斗
百洗蒸出用熱水十五甌調和待其水盡入于烝
飯然後鋪之簞上寒之良久曲末一斗五升 本
三升調和釀之

紅露酒釀法如香醞而麴則以二斗爲限香醞三瓶
二鐸燒出一瓶承露時以芰草一兩細切置于瓶
口則紫色濃深內局則以壓清用銀器煎取故
與外處不同

煮酒其法如止而好清酒一瓶胡椒黃蜜各一錢用
陶甌盛置於釜內從絃置水煎之經時乃出矣

栢子酒其法如上而但以實栢子二斗與原入曲末
一斗同爲爛擣入本調和釀之

胡桃酒其法如栢子而但以胡桃代之

清甘酒粘米一斗蒸飯曲末五合不用水以好一
瓶半調和釀之則其甘如蜜

荷香酒白米一升作末造孔餅烹熟待其冷以曲末
五合細末調和盛置於器第三日又以粘米一斗
蒸飯待冷與本釀和均而不有客水置三七日熟
白霞酒白米一斗百洗作末盛于器以熱水一斗調
和待冷曲末一升半真末一升半入本一升調和
入甕第三日又以白米二斗百洗蒸飯以熱水二
斗和之良又寒之與本釀添曲末一升和之過七
八日乃熟以紙心燃火入于甕內驗其生熟熟則
火不滅生則火滅此後不用他水欲爲旨烈則和
水時以水之多少任意添之
浮蟻酒粘米一斗蒸飯盛器冷之水一斗湯沸冷之

以曲末一升先調於水與蒸飯調和入甕經三宿
乃熟澄清後以酒醅少許浮而用之其形如浮蟻
味甘而烈政合於夏節之用矣

屠蘇酒白朮一兩八錢大黃川椒去目吉梗各一兩
半虎叔根一兩一錢烏頭去皮六錢精切盛入絳
囊十二月晦日懸於井中浸至泥底正月初一日
平明取出投酒同煎數沸向東服之從少至老爲
次其滓三日後還投井中一人飲之一家無疫一
家飲之一鄉無疫

松葉酒粘米一斗黍飯待冷以麴末一升松葉一升
交和不用水釀之第三日以好酒一升添入又過

三日爛熟初味小有苦辛後味極其清甘

桃花酒元月精鑿粳米一斗五升百洗作末活水二

斗五升湯沸和均俟冷調曲末真末各一升入甕

待桃花盛開又以粳米粘米各三斗百洗經宿合

蒸活冰六斗湯沸俟冷取桃花三兩先入甕底並

前釀和入以桃花二三枝挿其中待熟上酒槽○

本方雖如此前後減水各五升味甚尤烈甘美常

置冷處待熟○酒米多則曲末與水隨宜調用

清暑酒精鑿粘米一斗朝浸活水又以曲末二升

水而同日夕柔飯以井水注洗以涼爲度去水氣

乃將曲末沉水用篩去滓和均翌日夕盛冷水於

大器以釀缸安其中日易水再三六七日熟清上
酒槽常以盛酒瓶 水用之此方只宜夏月
必麴酒精鑿粳米一斗筭以百洗作末以井水一斗
合米末滓湯沸以其水和米末調均俟冷和以曲
末一升五合至七日又以精米如前百洗先以水
湯沸每一洗水五升灑均俟冷以前釀相和至三
七日澄清後用之

過夏酒精粘米一斗筭以百洗浸以細曲末五合盛
紬帶沉湯水三升翌日井水一升湯沸待冷將粘
米灑均蒸飯和以沉曲水末則不用入甕封口至
三日開視其爛熟與否以露酒灌之而若欲味甘

則灌八九升欲味烈則更加二三升七日後上槽
藥山春元月上亥日白 五斗淨潔沉水麝曲末五
升以五瓶水浸之翌日作末蒸熟作餅篩沉曲去
滓以新汲水十瓶相調之入甕取東向桃枝攪之
再三以油紙堅封又以布帛加封置虛廳或有浮
漚每每搯去至二月晦間五斗 如前淨潔蒸飯
以添待春夏初浮蟻色濃味甚薰烈用時勿令生
水氣入之此乃十斗釀法其多少則以此推之○
正月上亥或日暄則餅及飯待冷或日寒則過亥
日釀之無妨欲久用則入陶甕埋不見陽處則雖
經三夏其味不變

救酒法釀酒失冷三四日不沸者卽撥開飯中央以
好酒灌其中須臾便沸○酸酒以小豆二升焦炒
用油帶盛沉之則酸味卽止矣○救荒酒先以粘
稿納中濃煎去稿次入千金木皮再煎一二
待冷入缸斟酌和曲末次日入米粥成酒澄清則
味甘服之消浮氣神驗名曰千金酒凡釀量水二
斗米一升粥調之千金木俗名北木○白米一升
五合百洗經宿作末湯水四斗作待冷好酒末
三升和合夏則三日冬五日後粘米一斗百洗經
宿蒸飯本酒合入過三四日待熟服之味甚美烈
○松筍多數折取滿盛於大甕中湯水取極溫

盈滿經宿三四日後拯出待清去滓粘米一斗作飯曲末一升交和釀之堅封而過十五日用之其味甚烈雖過多日不變

釀醋法或五月五日或七月七日以秋牟米一斗麴鑿爛烹碎麴五升調和東流水一盆开花水亦好沸湯調和盛以油紙封口加以青色帙以艾編覆之經三七日用之時用一盞則還以至酒一盞添入燒尤好又以菖蒲根細切乾淨調和則亦好又以棗十餘枚或烏梅加入則極好矣作醬法沙參吉梗去蘆頭洗乾作末入罍浸水去苦味緊握去水甕約末十斗末醬一二斗鹽水量

宜沉之皆熟爲醬○本方雖如此嘗驗之多採沙
參吉梗去皮擣碎浸水待苦味盡出去水氣亂曰
略灑鹽緊握作圓若末醬狀暫乾後入甕中次入
末醬鹽一依常例兩物等分入之就熟後用之其
汁於盤餐無所不宜○又方大豆葉殼相雜爛烹
和鹽間入末醬沉之甚好末烹前沉水去毒煮用
爲宜不然必傷人○造清醬法鹽七合炒極燥真
末八合又和鹽炒之候真末色黃陳其醬三合和
水六升煎至四升味甚好○大豆一斗爛烹曲子
三升鹽四升調合入甕堅封置受陽處味好○一
法取可容十斗之甕當腰中橫置竹片從其容

或編之小簾狀鋪之以分其上下置朱醬隨所
注鹽水從絃熟之則清醬最多矣

造墨法

韋仲將合墨以好純烟擣訖以細絹篩於缸中烟一
斤先以好膠五兩浸榨皮汁中此木江南焚雞木
其皮入水生綠色能解膠又益黑色若東國俗名
無坡木也又入雞子白去黃五枚亦以真朱紅一
兩麝香一兩皆別治細末都合調下鐵臼中擣三
萬杵而多多益善合墨不得二月九月溫時敗臭
寒則難乾而溶見風日破碎仲將之墨一點如漆
○俗例造墨純烟十斤阿膠四斤水十斤以水丸

斤浸膠盛銅盆置火上待融以烟末和訖以餘一
斤水洗盆盛別器擣時用手揮灑擣期萬杵又以
桑掌爲度作丁時印出於幽室中平版上布濕灰
一寸許令平次布紙紙上攤墨墨上布紙再布濕
灰一寸許經三夜或一夜後數數翻覆以堅強爲
度○造松煤墨多取松烟另加細末後浸水水飛
以待稍乾製法及水之斤兩則如上而作丁厚薄
大小隨宜但萬杵爲度無異真墨

煎藥製法鍊蜜一斗阿膠一斗二升肉桂正末四兩
乾薑正末四兩胡椒正末三錢丁香正末五錢棗
肉一升右末調均交合再篩阿膠煎漫後入鍊蜜

無數攪揮而又入藥末調和更篩盛磁器經宿則凝之禦寒及新口味莫過於此藥矣○阿膠取法以大牛生皮去毛淨洗割數十餘片以麻繩每貫入九片懸於釜中而若著近釜底則皆煮黃不融解故也每懸水中間以至消融後淨洗水槽補大祇于其上乘熱注下以凝為度○肉桂沉水經一晝夜搯出法麋皮細切作末○大棗去核蒸漉醅醅湯鍊蜜一斗烏梅正末十兩砂仁正末七錢白檀正末六錢草果正末二錢右末調和入蜜中揮之無數用之夏月以井花水調服則清氣解鬱無逾於此藥○烏梅沉水即出待潤並核爛擣取肉

算數法

九	八十一	九七十二	七十九	六十三	六	五十四
五	四十五	四	三十六	三	二十七	二十
八	六十四	七八	十六	六	四十	全
四	三十二	二三八	二十四	二	十六	〇七七四十
六	七十四	一五	七三	五	四七	二十
三	七十四	〇六	六三	十六	五	三十
三	十	二六	十二	〇五	二十	四五二十
三	十五	二五	十	〇	十	三十二
二	〇三	三九	二	三六	〇	二二

行算訣

分橫釐立即夕橫

十斗橫邊一石立

合立升橫斗亦立

各當其上在五數

影算法

上置元數下置影數上見零數當位

上見十之

一上見百步之二見千步三見萬步四以小呼大中

置實數當位而十數則每置上位餘數則當位置之

○假如直田長八十五尺廣

十七尺問該幾畧曰

五千六百九十五尺○洪曰上置長數下置廣數見

十步一則影數之六十即當百尺位七尺當十尺位

乃以影之六十呼得元之八十六即四十八四十

即當千尺位八當百尺位又以影之七呼得元之八

十七八卽五十六五十卽當百尺位六當十尺位然後撤去元數之八十不用將影六十位七尺位各退一步又以元之五呼得影之六十五六卽三十三十卽當百尺位又以元數影數兩五相呼五五卽二十五二十卽當十尺位五當一尺位是爲實數則果準五千六百九十五尺

文算法 一名斜筭又曰鋪地錦

文筭者以文筭之者也其法從數之多少畫作方圖如井間數多則井間亦多數少則井間亦少從左爲首列書元數於圖外上面傍書影數於圖右面或縱或橫一從元影之數每一行各當一位又於每間從

右至左畫作格以元之首數與影之首數相呼因之呼九九數也遇十數則書于圖左第一行第一間格上

遇單則書于格下次以影之第二數與元之首數相呼因之遇十則書于第一行第二間隔上遇單則書于格下盡其第一行後又以元之第二數與因如前次次而下以盡元數之末又自右邊下角隔下計起次次向上滿十以陞一十則陞一二十則陞二至于左邊上角而止則實數自見矣此法最善於放料而量田亦可用之也○假如放料八百七十六名每名一日兩時七合十日糧問該幾答曰一千二百二十六斗四升○法曰兩時七合十日糧每名為

一斗四升以八百七十六名爲元數一斗四升爲影
數三縱二橫圖元數三位列書于圖上影數二位書
于圖右又斜畫作格從右至左爲五斜行乃以糧數
之一斗呼人數之八百一八卽單八書八于第一行
第一間格下以糧數之四升呼人數之八百四八卽
三十二書三于第一行第二間格上書二于隔下次
以糧數之一斗呼人數之七十一七卽單七書于第
二行第一間格下以糧數之四升呼人數之七十四
七卽二十八書二于第二行第二間隔上書八于格
下以糧數之一斗呼人數之六六一六卽單六書六
于第三行第一間格下又以糧數之四升呼人數之

六名四六卽二十四書二于第三行第二間格上書
四于格下然後通計斜行自右邊下角數起第一斜
行四數則爲單四第二斜行六及二與八則爲一十
六陸一十於上間作圈爲一餘六爲六斗第三斜行
七及三與二並下間所陞作圈者合爲一十二則陞
一十於上間如前則餘二是爲二十第四斜行八與
三並下間所陞者合爲一十二則陞一十於上間餘
二是爲二百第五行則只有下間所陞者一而已是
爲一千其實數一千二百二十六斗四升○作石法
一六十用一則十三五二位各用二四處二十六
五在二三五六如單用四七處四六十八當五三五

九如單六置十當六六廿○以上米作石八十一石
 十一斗四升○凡放料出役量田隨其數多少推之

放

六名

一名手四升

○	六	二	四	升
○	七	二	八	斗
○	八	三	二	斗

出

糧

八百

一千二百

○	八	三	二	斗
○	七	二	八	斗
○	八	三	二	斗

役

一結手五升七合

二結	七	一	四	合
四	七	三	四	斗
二	四	二	七	斗

二千一百

量

三

一百二十三

四

五

三	六	九	九
四	八	二	二
五	一	五	七

解

結

六等二

八	六	六	六	結
一	一	一	一	一
二	二	二	二	二
三	三	三	三	三
四	四	四	四	四
五	五	五	五	五
六	六	六	六	六
七	七	七	七	七
八	八	八	八	八
九	九	九	九	九
十	十	十	十	十

右以一等六結六十七負八束解之六等則一結
六十六負九束○二三四五等解法亦以此推之
而以一等一結二等八五三等單七四等五五
等單四六等二五解之○一等田尺長準周尺四
尺七寸七分五釐二等五尺一寸七分九釐二等
五尺七寸三釐四等六尺四寸三分四釐五等七
尺五寸五分六等九尺五寸五分實積一尺爲把
十把爲一束十束爲一負百負爲一結一等田一
結準三十八畝二等田四十四畝七分三等田五
十四畝二分四等田六十九畝五等田九十五畝
六等田一百五十二畝○各等田十四負準中朝

田一畝○常耕者稱正田或耕或陳者稱續田其
稱正田而地品脊薄禾穀不穰者續田而土性肥
膏所生倍多者置簿報觀察使式年改正
量尺步尺木尺制附

木尺半

地尺

周尺

凡權衡斗尺自是通天下平一之制而一國之內
一家之內大小長短懸殊不齊識者之痛惜豈有
逾於此者哉至於物有輕重長短甚非先王制法

之本意而尤有所大可懼者一家之內或有題主
長短之事其爲禮節之顛敗於斯極矣此正毫釐
之差千里之謬者也可不深察而正之哉

擇日方

開基地吉日甲子癸酉戊寅乙卯庚寅辛巳甲申丙
戌甲午丙申戊戌巳亥庚子甲辰丙午丁未癸丑
戊午庚午辛未丙辰丁巳辛酉乙丑丁卯戊辰乙
未丁酉壬子甲寅乙卯庚申及黃道日空天德天
恩月德除定執危成開等日又看主人本命生氣
○切忌春秋戊巳二社日犯之大凶社日立春後
第五戌日立秋後第五戌日是也

豎造吉年運申子辰生人申酉戌亥子午月○寅午
戌生人寅卯辰巳午年月○亥卯未生人子丑
寅卯年月○巳酉丑生人巳午未申酉年月○此
外生人雖在吉運中皆犯災殺參考推擇

豎柱吉日丙寅辛巳戌申巳亥四柱吉日及巳巳乙
亥巳卯甲申乙酉戊子巳丑庚寅乙未辛丑癸卯
巳巳巳酉壬子甲寅巳未庚申壬戌二合黃道天
德月德成開等日

上樑吉日甲子乙丑丁卯戊辰巳巳庚午辛未壬申
甲戌丙子戌寅庚辰壬午甲申丙戌戊子庚寅甲
午丙申丁酉戊戌巳亥庚子辛丑壬寅癸卯乙巳

丁未巳酉辛亥癸丑乙卯丁巳巳未辛酉癸亥○
主人本命運及山運參考推擇大吉

立祠宇吉方坐向當用子午卯酉四正之位年月日
時亦以子午卯酉推擇

地運法寅申巳亥年 乙酉辛子癸午丁山吉子午
酉年辰巽未坤戌乾丑艮山吉辰戌丑未年寅
甲巳丙申庚亥壬山吉將營室先擇此運

論宅前路嫌忌當面直來之路謂之衝破必須盤旋
曲轉若宅水倒左則從右畔入倒右則從左畔入
切忌直衝○路繞青龍則吉白虎則凶四獸脊上
有十字狀路明堂中心有井字狀路皆忌兩橫一

直謂之扛尸凶乾山艮巽上交路凡坤由下交路
皆凶四路圍宅極凶其驗最著

穿井吉方吉日本山生旺方流泉及掘汲吉黃道天
德月德合成開等日

入學吉日宜用天德月德月令定成開月○忌四廢

四廢庚申壬子甲寅丙午辛酉癸亥乙卯丁巳

出師吉日宜乙丑丙寅丁卯丁丑丁酉甲午庚子辛

丑庚戌寶日義日制日天德月德月令攻戰同○

忌建破平收危日○寶日丁丑丙戌甲午庚子壬

寅癸卯乙巳丁未戊申巳酉辛亥丙辰壬子生支

日宜○義日甲子丙寅丁卯巳巳辛未壬申癸酉

乙亥庚辰辛丑庚戌戊午右支生于日○制日乙
丑甲戌壬子戌子癸丑甲辰庚寅辛卯乙未丙申
丁酉巳亥干剋支日宜出軍征伐而凡於出行無
不可用矣

金樓四角之方不一而昧者多拘於此今日者所用
皆非也惟此金樓庶有可據其法先排八掛起一
於兌二乾三坎四五轉入中六還出艮七震八巽
九離十坤周而復始以計之乾坤艮巽四宮及中
位則有殺坎離震兌四宮則皆可用太繁凡人行
年至一二三七九方合營造之運

生甲寅子年子午日丑年辰戌日寅年寅申日卯年

子午日辰年辰戌日巳年寅申日午年子午日未
年辰戌日申年寅申日酉年子午日戌年辰戌日
亥年寅申日○右豎造上官入宅移徙嫁娶並吉
此外皆病甲旬死甲旬日不吉大凶

萬通火星凶日寅申巳亥月乙丑甲戌癸未壬辰辛
丑庚戌巳未日○子午卯酉月甲子癸酉壬午庚
子癸卯巳酉戌午日○辰戌丑未月壬申辛巳庚
寅巳亥戌申丁巳日○右忌豎造蓋屋裁衣等事
而不忌此等日則必有火災

干支古號

闕逢

甲

旃蒙

乙

柔兆

丙

強圉

丁

著雍

戊

屠維

巳

上章

庚重光辛玄默壬昭陽癸

攝提格寅單闕卯執徐辰大荒落巳敦牂午協洽未

涒灘申作噩酉閹茂戌大淵獻亥困敦子赤奮若丑

十二月吉號

端月取月正令月如月二嘉月病月三正陽月余月

四暑月皋月五季月朝月六涼月相月七桂月壯月

八菊月玄月九艮月陽月十暢月臯月十一餘月涂

月十二○三月一日蠶月十二月一日嚴月

十二律

黃鐘十一大呂十二大簇正夾鐘二姑洗三仲呂四

蕤賓五林鐘六夷則七南呂八無射九應鐘十

彭祖百忌日甲不開倉財物耗亡乙不栽植木株不
長丙不修竈必見火殃丁不剃頭頭必生瘡戊不
受田田主不祥己不破券一此並亡庚不經絡機
織虛張辛不合醬主人不嘗壬不決水難更提防
癸不詞訟理弱敵強子不問卜自有災殃丑不冠
帶主不還鄉寅不祭祀鬼神不嘗卯不穿井水泉
不香辰不哭泣必主重喪巳不遠行財物伏藏午
不修葢屋主更張未不服藥毒氣入腸申不安寐
鬼祟入房酉不會客醉坐顛狂戌不呼犬作怪上牀
亥不出猪再養難償建可出行不宜開倉除可服
藥鍼灸亦良滿可市肆服藥遭殃平可塗泥安穩

吉昌定可進畜入學宜良執可捕捉盜賊難藏破
可治病必獲安康危可討盜不利行船成可詞訟
道理成章收宜作吉却忌行藏開可求仕安葬不
祥閉不治目只許安體

裁衣吉日甲子

乙丑丙寅丁卯巳巳癸酉甲戌乙亥

丙子丁丑巳卯庚辰巳丑甲午乙未丙申庚子辛

丑癸卯甲辰戊申巳酉癸丑甲寅乙卯丙辰辛酉

二十八宿裁衣吉凶日○角安穩○亢美食○底觀

友○房益衣○心盜賊○尾壞爛○箕得病○斗

美味○牛進吉○女得疾○虛得糧○危遭毒○

室水厄○壁獲財○奎得寶○婁增衣○胃減衣

○昴火災○畢多事○黼鼠咬○參逢厄○井相
別○鬼吉祥○柳棄失○星喪服○張官奪○翼
獲財○軫恒乂

入宅移居逐月吉日正壬辰丙辰丁未辛未二乙丑
三丙寅庚寅壬寅丁巳巳四癸卯甲午丙午庚
午五庚辰甲申六甲寅庚寅丁酉癸酉七甲戌戊
戌庚戌八乙亥辛亥癸丑九甲午丙午甲申庚申
壬申十甲子戊子庚辰甲午壬午癸酉十一乙
丑癸丑乙未丁未辛未甲戌又丙丑日多吉星
未日係萬通三吉日尤爲可用十二甲寅庚寅丁
卯乙亥巳亥辛亥○到官舍移居亦同

嫁娶吉日壬子丙子乙丑癸丑丁丑丁卯辛卯癸卯
乙卯乙巳以上十日大吉巳丑庚寅辰癸巳壬
午乙未辛酉辛亥以上八日次吉

冠笄吉日甲子丙子癸巳午甲寅乙卯○男冠女
笄宜天德月德天恩月恩生氣福德益後續又宜
用孟仲月內建成日吉

上官赴任吉日甲子寅丁卯戊辰巳巳庚午乙亥
丙子巳丑壬午甲申乙酉戌戌子癸巳巳亥庚

子壬子癸丑庚申辛酉忌建破平定滿閉滅沒日
出行吉日甲子乙丑寅丁卯戊辰巳巳辛未壬申
壬午乙酉戊子辛卯癸巳甲午乙未庚子辛丑壬

寅癸卯丁未巳酉壬子甲寅乙
丁巳庚申辛酉
壬戌癸亥與出師日參考推擇

行船吉日甲子丙寅丁卯戊辰巳巳辛未戊寅壬午
乙酉戊子辛卯癸巳甲午乙未庚子辛丑壬
癸卯丙辰戊午巳未辛酉

納財吉日甲子乙丑丙寅庚寅丙午庚子壬子甲
宜天恩天德月德上吉收閉日

出財吉日乙酉庚辰辛酉丙戌辛亥丁丑癸巳

納奴婢吉日甲子丁卯戊辰壬申乙卯戊寅甲申辛
卯甲午丙午以主人本命參考推擇

偷修吉方吉日又寶偷修日不論太歲諸神殺依此

修遠萬無一失○甲子乙丑丙寅日宜乾亥壬子

癸丑艮寅方○丁卯戊辰巳巳日宜 午丁未坤

申庚酉辛戌方○庚午辛未壬申日宜乾亥壬子

癸丑艮寅卯乙方○癸酉日宜甲卯乙辰巽巳

午方○甲戌乙亥日宜中宮八方二十四向○

子丁丑戌寅日宜坤申庚酉乾亥方○巳卯庚辰

辛巳日上同○壬午癸未甲申日宜 午丁未乾

方○乙酉丙戌丁亥日宜巽巳 午丁未坤方○

戊子巳丑庚寅日宜亥壬子癸丑方○辛卯壬辰

癸卯日宜 午丁未坤申庚酉方○甲午乙未

申日宜辛戌乾亥壬子癸丑艮方○ 酉戌戌巳

亥日宜中宮四方八位○庚子辛丑壬寅日宜坤
申庚酉辛戌乾亥方○癸卯甲辰乙巳日宜坤申
庚酉辛戌乾方○丙午丁未戊申日宜未坤申
酉辛戌乾方○己酉庚戌辛亥日宜巽巳丙午丁
未坤申庚酉辛戌方○壬子癸丑甲寅日宜乾
壬子癸丑艮寅方○乙卯丙辰丁巳日宜丙午丁
未坤申庚酉辛方○戊午己未庚申日宜壬子
丑艮寅甲卯乙方○辛酉壬戌癸亥日宜辰巽
丙午丁方○又吉日壬子癸丑丙辰丁巳庚申辛
酉六日八方無忌從便修造只要六日內了畢更
逢天月德天恩赦皆佳

蓋屋吉日甲子戊子壬子乙丑辛丑甲寅戊寅庚寅
巳卯癸卯甲辰戊辰巳巳乙巳癸巳癸未乙未甲
申戊申癸酉乙酉巳酉巳亥辛亥○參考萬通火
星推擇亦佳

作門吉日甲子乙丑辛未癸酉甲戌壬午甲申辛卯
癸巳乙巳壬子甲寅丙辰戊午

作竈吉日甲戌乙亥癸未甲申乙未巳辛亥丑
甲寅乙卯巳未

安碓吉日甲戌乙亥庚申辛未庚寅庚子午
作側吉日癸巳巳未丙戌庚辰壬子

修契吉日庚辰辛巳壬午壬辰巳庚子戊申酉

癸卯丁未甲寅

納六畜吉日戊寅壬午辛卯甲午戊戌己亥壬子宜

天月德定成開日切忌鶴神方入大凶

栽種吉日丙子戊寅己卯壬午癸未己丑辛卯戊戌
庚子壬子癸丑戊戌己未一本有己亥丙午丁未
乙卯戊申己巳○凡竹木菜蔬百物皆同而種芽
則非但擇日其種法與他殊異擇肥土近水處斷
其旁作區方深各三尺許取豆箕納區中踐踏之
其厚尺五寸以水澆之以大芋種五箇每區置四
角及中央復以豆箕覆而踐之旱則數以澆水一
區可收三石二三月可種○閤皂山有異僧專力

種芋歲收極多梓擣作泥造塹爲牆人莫測其所
爲後遇大無之年民多餓死寺僧四十餘食芋塹
免飢人始異之

第宅風水凡住宅左有流水謂之青龍右有長道謂
之白虎前有污池謂之朱雀後有丘陵謂之玄武
爲最貴地也○凡地東高西低生氣隆基東低西
高不富且豪前高後低主寡婦孤兒門戶絕敗後
高前低主多牛馬○凡宅地平垣名曰梁土後高
前低名曰晉土居之並吉東高西低名曰魯土居
之富貴當出賢人前高後低名曰楚土居之凶四
面高中央低名曰衛土居之先富後貧○凡東

有流水達江海吉東有大路主貧北有大路凶南
有大路富貴○凡 宜宮觀仙居側近之處主益
壽延齡人安物阜不宜居衝口處及塔塚寺廟
祠社壇治故軍營戰地方及且草木不生處正當
流水處山有衝射處大城門口及獄門百川口處
俱不宜居○凡地形卯酉不足居之自如子午不
足居之大凶南北長東西狹主吉東西長南北狹
先凶後吉○凡宅地洪潤光澤有陽氣者吉乾燥
無潤者凶○凡主祖之宅而欲修造卽依祖上作
陽宅陰宅運用方隅如是則累代富貴子孫隆盛
如處處不利卽宜轉陽作陰或移陰爲陽吉○凡

造屋切忌先築牆圍並外門主難成○凡大門門
扇及兩畔牆壁須大小一般左大主接妻右大孤
寡大門十柱小門六柱皆要著地則吉門扇高於
牆壁主多哭泣門口水坑家破伶仃大樹當門主
招天瘟牆頭衝門長被人論交路夾門人口不存
衆路相衝家無老翁門被木射家散人啞神社對
門常病時瘟門下水出財物不聚門著井水家招
邪鬼糞屋對門癰疽長存水路衝門悖逆子孫倉
口向門家退遭瘟疫擣石門居家出難言門前直
屋家無餘穀門前垂楊非是吉祥巽方開門及隙
穴開牕之類立有災害東北開門多招怪異重重

宅戶二門莫相對○凡人家門前忌有雙池爲之
哭字頭西有池爲之白虎開口皆忌之

安葬吉日今攷六甲圖中只有壬申癸酉壬午甲申
乙酉丙申丁酉壬寅丙午巳酉庚申辛酉十二日
十全大吉庚午庚寅二日地理新書萬年俱佳以
爲大吉壬辰甲辰乙巳丙辰巳未甲寅六日百忌
總集以爲可用有戊寅六甲圖以爲吉前十二日
乃十全大吉後九日乃次吉也○五運山吉日金
運山庚午壬申癸酉戊寅壬午甲申乙酉庚寅壬
辰壬寅丙午巳酉甲寅丙辰庚申辛酉○水運山
壬申癸酉壬午甲申乙酉庚寅壬辰丙申丁酉壬

寅甲辰乙巳丙午甲寅己未庚申辛酉○木運山
庚午戊寅壬午甲申乙酉庚寅壬辰丙申丁酉甲寅
丙辰己未庚申辛酉○火運山庚午壬申癸酉戊
寅壬午庚寅甲辰丙申丁酉乙巳己酉丙辰己未
庚申辛酉壬寅○土運山庚午壬申癸酉戊寅甲
申乙酉壬辰丙申丁酉壬寅甲辰乙巳丙午己酉
甲寅丙辰己未○壬申癸酉壬午甲申乙酉壬辰
丙午己酉丙辰庚申辛酉己未丁酉此十三日地
虎不守最爲大吉

安門開路凡宅前取路與開門同法必須擇吉其法
於大門或門樓限上安木星輪圖取五吉避四凶

又避黃泉殺

黃泉殺訣庚丁坤水是黃泉乙丙須知巽水先甲癸
向中憂見艮辛壬水路恒當乾其法庚丁向則坤
水是坤向則庚丁是乙丙向則巽水是巽向則乙
丙是甲癸向則艮水是艮向則甲癸是辛壬向則
乾水是乾向則辛壬是所謂四路黃泉八路黃泉
者也只論此十二向放水餘則不忌安門開路亦
切勿犯此殺宅墓同

木星輪圖式蓋水星爲主於子午卯酉故謂之木星
輪圖九星中木星太陽金水太陰天財五吉天罡
燥火孤曜掃蕩四凶也先審坐向然後取吉避凶

東人經驗牧養法

相良馬法頰骨圓耳如削筒垂睛欲高腦骨欲圖眼
似垂鈴眼下有肉面如刮兔食槽欲寬要寬大
上唇欲方口又欲深下唇欲團腰短項長腰欲急
促項欲彎曲口紅細毛下腹欲平胃堂欲寬前看
似雞鳴看後似狗蹲脊骨短膝骨團前蹄欲高圓
後蹄欲細尖毛如垂掃腿如琵琶此等爲上○凡
牧養冬煖廐夏涼棚頭平繫行相離稀潤淨潔洗
槽擇新草篩簸粟豆若熟料用新水浸淘放冷乃
可飼之其飲馬惟宜新水以時飲之遇夜不飲冬
月飲訖便須牽行卽無傷水切忌宿水凍料陳草

沙磧灰土蛛絲諸雜毛髮食之卽瘦生病或以鹽
水飲者勿多多則損其腰腹以成腎冷腎冷則後
失仍日看其糞溺若溺清糞慢則無病矣又飲食
之節食有三芻飲有三時何謂也一日惡二日中
三日善善謂飢時與惡飽時與善引之令食常飽
則無不肥挫草麤雖足豆穀亦不肥又細挫無節
而食之則令馬肥不空何謂三時一日朝飲少之
二日晝飲胸饜三日暮極○征馬硬實之法細挫
芻揚去葉全取莖和穀豆秣之置槽於通地雖復
雪寒勿令安廐下一日一走令其肉熱卽硬實而
耐寒飢○冬春騎勞出汗則切勿解鞍徐徐刷毛

收汗去鞍著馬衣俗名於之若馬大勞則平繫待
息氣平飼長草一束後與切草良久又料一二升
和草小許啖之又淨水一大斗切草與料三四升
和啖常飲淨水○又法良馬五月後勿放至秋放
牧八月望時一日騎出微汗勿過勞著草馬衣過
夜收汗平明刷之無穗長草一二束之飲冷水
一二碗一息乃止還放隔十日如前法小加勞養
良馬五度常馬三度若馬八九月不肥草枯前給
豐肥飼稷宜○又方行路時一切不飲水尤忌
近歇處戰馬勿例論又方馬雖料不可充腹
治馬眼骨法初發未甚時削柎木如斂子狀以鍼橫

刺頂上旋毛中同上直刺二寸卽差後經宿拔去
○又方青鹽散白礬四錢青鹽彈子大二塊如無
則常鹽代用亦好將鹽爲末銚子內中心用礬蓋
用火飛之熬定後取出却入炭火燒絕黑烟爲度
研如粉入少龍腦點之○凡馬眼骨後腹痛及諸
腹痛灸神闕穴五十壯卽差神驗○又方初發時
釜底烟卽百草霜鹽炒等分細末一錢納眼孔卽
差○又方熊膽小豆大毒酒一鍾半和均徐徐灌
之後腹痛一日不給料卽差○又方初有氣以亂
髮燒燠鼻孔流清涕至流濃涕則愈○治馬疥法
採俗名藤葛根去土洗作末水調塗之雖難治之

類不過一二度卽效○又方猛灰二斗白朮爛擣
一斗水二盆煎至半稍熱塗之不過二三次永差
更無復發○又用好醋和石灰熱搭大妙又以研
芥子塗之亦好○治馬大小便不通眼起欲死若
不急治致斃以油均人手探穀道去結糞又以鹽
納溺道中甚效

相耕牛方眼欲大白脉貫瞳角欲細兩根促近體欲
麤項骨長大毛欲短密尾稍長後腳肱門並快則
爲上○母牛方大毛白乳紅多產毛疎乳黑不產
時犢卧與母面相向產數相背則稀產一夜下糞
三堆一年一產一堆則三年一產○甯戚相牛經

曰牛口常有似鳴者有牛黃牛眼近角者眼大者
眼中有白線入瞳子者行甚快○相耕牛論曰頭
小腦大頭長身短角方圓脊高臂低食毛不分立
齊足乃可爲耕力頭欲瘦小不用多肉面欲方長
短則命促○目赤者觸人眼下有旋毛名曰淚滴
不吉鼻欲軟大易牽鼻上毛逆凶鼻如鋤難牽無
力口欲方大能食齒欲白角向前吉向後凶兩角
間有亂毛妨主角圓紋細耳去角近略可容指方
好骨欲得長大目欲得明窳則有力若不窳者少
力毛短密而黑者耐寒疎長如鼠毛者恒寒前脚
欲直而濶後脚要曲而開蹄欲大青黑紫爲鐵蹄

青乳紅多子疎黑無子○糞如螺旋用力如雷角
欲厚重尾骨麤少毛者有力

治牛疫方黃栢挫水煎無量灌口○地龍多取納口
中拗其吭以下以差爲度○以油塗手探穀道去
結糞以通爲度○採芭蕉根爛擣絞取汁灌口每
灌一碗雖毒疫連用三日則必效百無一失○此
草不常有於鄉村預種爲備可以取用○未發時
吐涎者是瘟疫也取黃栢研汁和石灰毒酒灌口

食雜物忌方

桃杏雙仁有毒不食○果子落地經宿蟲蟻食勿食
○食瓜竟食痛益成霍亂○九月勿食被霜瓜

令人成反胃病○魚無腸膽者勿食三年陰不起
女子絕產○生魚目赤者不可作膾○魚目合者
不可食○鳥獸自死口不開者不可食○凡諸肉
與肝落地不著塵土者不可食○雞及野鳥不伸
足者不可食必殺人○猪肉落水浮者不可食○
中有如珠點者不可食○獸自死北首者及伏地
者必殺人○六畜自死者皆疫死不可食○論禽
肝青者殺人○麋脂及梅李子令孕婦食之生子
必青盲○烏雞足白者不食○燥肉不乾者殺人
物性相反粥後飲白湯成肺疾○銅器令熱汗滴
食中殺人○白酒狗肉同食生寸白蟲

食菌法地生爲菌木生爲橐爲木耳爲蕈有毛者
下無紋者夜有光者煮不熟者欲爛無蟲者烹訖
照人無影者春夏有惡蟲毒蛇經過者皆殺人
赤色仰面不覆者生野田中者皆有毒楮榆柳
桑木之耳皆可食○冬春無毒誤食毒菌者徃徃
笑不止而死惟掘地爲坎投水攪之取清飲之

雜物染衣服洗法

凡血污衣服不可用熱水也以熱水洗之則熟而不
落只可以冷水洗之○油污則以木麥末或滑石
末鋪其上下隔紙之則盡出無跡又卽以溺洗
盡出○墨及南草真液之污則用飯攢洗盡落

書冊印紙容入數

大學 一卷十二張

中庸 三卷

論語 十六卷

孟子 十二卷

詩傳 十九卷六張

書傳 十八卷十六張

周易 二十七卷六張

春秋 十三卷二張

禮記 三十卷十張

小學集成 七卷十五張

大學諺解 十五張

論語諺解 六卷九張

中庸諺解 一卷八張

孟子諺解 十三卷

詩傳諺解 十三卷

書傳諺解 十卷

周易諺解 十一卷

小學解 十二卷

小學大文 二卷十七張

大學或問 二卷

中庸或問 二卷十三張 孟子或問 六卷

孟子大文 三卷七張 詩大文 四卷二張

書大文 二卷十五張 春秋附錄 三十五卷

孝經大義 一卷十二張 九經衍義十七卷十張

大學衍義 二十二卷 大學輯略 十四卷

大學補遺 一卷三張 孔子通記 三卷二張

朱子大全 一百四十卷 朱子語類 八十三卷

朱文酌海 十九卷五張 朱子封事 四卷

朱子行狀 一卷八張 朱子節要 二十二卷

性理大全 五十四卷 心經 一卷十五張

性理略 九卷十六張 太極圖說 三卷五張

近思錄 九卷十六張
伊洛淵源 八卷八

易學圖說 十六卷
儀禮經傳 五十二卷

聖學輯要 九卷
禮說 十四卷六張

四禮訓蒙 二卷
五家解 七

家禮 四卷五張
五禮儀 二十四

家禮考證 六卷
儀節家禮 九卷十張

喪禮備要 二卷十張
喪祭禮問答 四

四七往復書 六卷
疑禮問解 五

內訓 七卷
警民編 一卷四張

童蒙先習 十八張
擊蒙要訣 一卷十張

景賢錄 一卷十張
讀書錄 十二卷十張

孝行錄 二卷五張

求仁錄 四卷

敬齋箴 八張

元朝五箴 一卷十張

聖學十圖 十二張

夙興夜寐箴 十張

左傳 二十二卷

三綱行實 九

通鑑 三十卷十張

綱目 一百六十卷

宋元節要 三十卷

宋元綱目 十二

宋鑑 三十卷

史略 十張

東史纂要 十五卷五張

東國通鑑 十五

高麗史 一百五十卷

皇明詠略 七

歷代總目 一卷五張

皇明讀鑑 四

桂苑筆耕 五卷十張
古文真寶 三卷十張

選賦 三十卷

漢史抄 三卷十張

昌黎集 三十七卷

名臣言行錄 三十四卷

東坡集 三十三卷

南華經 十三卷

黃山谷 二十五卷

擊壤集 六卷

唐音 十卷

詩學指南 九卷十二張

李白 二十六卷

杜詩諺解 三十三卷

李商隱集 六卷

三韻通考 二卷十張

韻府羣玉 二十五卷

韻會 二十五卷

天機大要 二卷

本草衍義 二十九卷

醫學入門 三十卷

醫學正傳 十六卷

丹心集要 六卷

針林錄要 二十八卷

東醫寶鑑

四十二卷

經方

二卷一紙

歷代兵要

三十卷

太公六韜

五卷

三略

一卷十張

司馬法

一卷十張

孫武子

三卷十張

吳子

一卷五張

尉繚子

二卷十張

李衛公

三卷八張

兵學指南

二卷十張

吏文

六卷

剪燈新話

四卷

經國大典

七卷十五張

前後續錄

一卷八張

大明律

八卷

詞訟錄

一卷

決訟抄

一卷五張

詩明算法

三卷

東國地理誌

一卷十張

二養篇

五卷十五張

圃隱集

五卷三張

退溪集

六十三卷

佑畢齋

十三

高峯集

十三卷

晦齋集

九卷

牛溪集

八卷四

栗谷集

十九卷五十張

牧隱集

四十二卷

蘇齋集

三十卷

西涯集

十卷

白沙集

十六卷十

漢陰集

十卷十

月沙集

三十九卷

芝峯類說

二十卷

清陰集

三十卷

谿谷集

三十卷

遲川集

十卷十三張

思菴集

三卷十

挹翠軒

二卷十張

企齋集

十五卷

石洲集

四卷十二張

容齋集

十五卷

龍溪集

三卷十四張

夜事錄

卷五

六十

月山集

六卷十九張

東岳集

六卷十七張

已卯錄

二卷四張

東岳集

二十七卷

韓濩千字

一卷一張

童蒙復知

十二張

近思錄釋疑

七卷

語錄解

一卷三張

性理字義

二卷一張

春種

一卷一張

寒崗集

九卷十六張

南溟集

五卷十張

六臣集

四卷七張

益齋集

五卷七張

白洲集

十二卷

樂靜集

七卷十二張

孤軒集

十八卷

濯纓集

三卷

農家集成


一卷五張

攷事撮要卷五

三卷

攷事撮要

三卷





地
林
一
林

地